



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 111. Calvinianæ Sectæ libertas in Galliis edicto publico asserta.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. latini militibus Heidelbergam deduci-
 A. C. 1610. tur, inde vero Rotterodamo Briellam
 raptus & Anglicæ navi impositus, ad-
 junctis etiam decem Fœderatorum na-
 vigiis in Angliam deportatur, traditus
 Eduardo Roberti Cæciliæ Catholicis in-
 fensissimi Fratri Germano: Confestim in
 publicis etiam novellis spargebatur, quod
 Pater Balduinus in Londinensi turri in-
 clusus, ac quæstioni subjectus promissa
 vitæ gratia, plures hujus conjurationis
 conscios, aliaque prorsus singularia ma-
 nifestarit: Hoc tamen rumore hand
 territus, Archidux Albertus Jacobum
 Angliæ Regem datis literis, ut sibi
 hunc Patrem redderet, petiit. Promi-
 fit Rex, daturum se operam, ne reo
 molestiæ quicquam aut periculi crearetur,
 si probaretur innocens. Produ-
 cuntur testes, proferuntur acta, & imple-
 met Balduinus in judicium sæpius pro-
 ducitur, qui tamen omnia diluit, ex-
 plicuit, atque ita demonstravit, ut Ja-
 cobus Rex Balduinum innocentem de-
 clararet, quamvis illum nonnisi evoluto
 octennii spatio dimitteret, postquam ejus
 libertatem potissimum Sarmientus Co-
 mes Hispani Regis Orator sollicitaverat.

§. CXI.

*Calvinianæ sectæ libertas in Gallis
 edicto publico asserta.*

Justis

Justis defuncto Henrico IV. Regi die Sæc. XVII.
 vigesima nona Junii persolutis, ejus- A. C. 1610.
 que Corpore prima Julii die in oppido
 Sancti Dionysii sepulto, tota Francia Hist. du
 novam faciem inducere videbatur: Au- Parlem.
 rea omnino tempora mox reditura præ- c. 44 & 46.
 sagiebant nonnulli, alii sub Rege pu- Merc. Gal-
 pille, & fœmina ac quidem Itala Regni lobelg. t. 6.
 Moderatrice amplas Henrici spes & con- l. 3. p. 556.
 filia unacum Franciæ gloria peritura & 582.
 vaticinabantur: Religionem & Eccle- Calmet Hist.
 siam Dei ab hæresis fermento expur- Univ. t. 151.
 gari sperabant Catholici, majorem e
 contrario sectæ suæ libertatem sibi pol-
 licebantur Protestantes, postquam Re-
 gina Protestantibus, qui Juliacum oc-
 cupaverant, significari jusserat, quod
 fœdus inter defunctum Regem & Prin-
 cipes initum religiose servare, promif-
 sumque auxilium nulla mora submittere
 velit. Reclamabant Pontifices & Hi-
 spani Regis Oratores, omnemque, ut
 hujus auxilii successum præpedirent,
 movebant lapidem. Verum his respon-
 sum est, suppetias istas non in Religio-
 nis perniciem esse comparatas, sed eam
 ob causam, ut Principibus hisce in sua
 possessione firmatis æquale obsequium
 antea Regi defuncto ab eis præstitum
 compensaretur. Hujus propositi causa
 vel obtentus fuit sollicitudo pro novi Re-
 gis incolumitate, quam factam servari

L1 z

haud

Sæc. XVII. haud posse suggerebant nonnulli, nisi
 A. C. 1610. Lutheri & Calvinii Sæctatoribus eidem
 devinctis atque obnoxiiis: nec vana erat
 cura aut formido; quippe non modo
 seditiosi de restauranda cæde *Bartholo-*
mæana, ut vocabant, rumores jamjam
 per urbem volitabant, sed etiam Hu-
 gonotæ Proceres castella & arces, quas
 occupaverant, valide munire, ac mili-
 tes conscribere parabant: quocirca Re-
 gina, ut illos a concitandis turbis, ad
 quas propensi videbantur, averteret,
 Nannetense edictum die vigesima se-
 cunda Maji præter cetera edicta ac de-
 creta in favorem hujus sectæ confirmari
 curabat: quoniam vero Rex comperisset,
 quod plures ex Hugonotis arces
 vi occupatas reddere tergiversarentur,
 hinc Rex die vigesima quarta ejusdem
 Mensis edito decreto declarabat, quod
 eis præteritorum veniam indulgere pa-
 ratus esset, ea tamen lege, ut restitu-
 tis arcibus arma deponerent. Insuper
 Regina, ut populi affectum clementia
 mercaretur, plusquam sexaginta edicta
 revocavit, pluresque impositas exa-
 ctiones suppressit: Denique Rex novus,
 ne quid Calvinistæ ad suam publicam-
 que securitatem desiderarent, aut Regi,
 Regno, suisque subditis, uti inquebat,
 noxium quicquam exinde succrescere posset,
 pariter Calvinianæ sectæ libertatem in
 Gallis

Galliis publico edicto suo iasserere voluit, in quo Ministrorum suorum impulsu ita effatus est: *rerum usu Prædecessoribus Regibus sat exploratum fuit, frustra vi & armis ad Catholicam fidem, qui ab ea desecerant, fuisse impulsos, Æmulatus idipsum Genitor noster, ut adversos animos conciliaret, Nannetense edictum tulit, quo promulgato, servatisque illius decretis pax inturbata coaluit: hinc pariter volo ac decerno, ut præfatum edictum rigide & sigillatim observetur, quique minus obtemperantes fuerint, velut publicæ quietis turbatores coerceantur. Nec tamen hac indulgentia Ludovicus XIII. Rex Hugonottarum animos, etsi idem edictum rursus ac tertia jam vice Anno millesimo sexcentesimo vigesimo secundo innovasset, ad obsequium revocare poterat, uti infra ex Rupellensi tumultu conspiciemus.*

Sæc. XVII.
A. C. 1610.

§. CXII.

Facultatis Parisinæ oppositio adversus docendi licentiam Jesuitis concessam.

Eodem hoc anno die vigesima Augusti instantibus Jesuitis Ludovicus Rex diploma concessit, vi cuius occlusas ab annis quindecim Collegii Parisiensis Scholas recludere eisdem indulsit. Hi

Argentre coll. Jud. Facult. Theol. tom. 2. pag. 13. Juven. hist. Soc. 1. 12. part. 5. p. 85.

L1 3

diplo-